

**JAMHURI YA MUUNGANO WA TANZANIA**

**BUNGE LA TANZANIA**



**15 FEBRUARI, 2022**



## ORODHA YA SHUGHULI ZA LEO

### MKUTANO WA SITA

KIKAO CHA KUMI NA MOJA – TAREHE 15 FEBRUARI, 2022

I. DUA:

II. HATI ZA KUWASILISHA MEZANI:

**MWENYEKITI WA KAMATI YA KUDUMU YA BUNGE YA NISHATI NA MADINI:**

Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa Mwaka 2021.

**MWENYEKITI WA KAMATI YA KUDUMU YA BUNGE YA MIUNDOMBINU:**

Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa Mwaka 2021.

### III. MASWALI:

#### OFISI YA WAZIRI MKUU:

**120. MHESHIMIWA ANTON ALBERT  
MWANTONA (RUNGWE):**

Atamuuliza Mheshimiwa Waziri Mkuu:-

Je, nini mchango wa Serikali katika kuwawezesha vijana zaidi ya 100 waliomaliza Vyuo Vikuu ambao wapo tayari kwa ajili ya kujiajiri katika kilimo Wilayani Rungwe kupitia Ofisi ya Mbunge.

#### OFISI YA RAIS (TAMISEMI):

**121. MHESHIMIWA VICENT PAUL MBOGO  
(NKASI KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itapeleka Boti ya kubebea Wagonjwa katika vijiji zaidi ya 7 vilivyopo Mwambao mwa Ziwa Tanganyika katika Jimbo la Nkasi Kusini ambavyo havina huduma ya Zahanati wala Kituo cha Afya.

**122. MHESHIMIWA JANEJELLY JAMES NTATE  
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itawalipa posho ya masaa ya ziada Watumishi wa Afya waliofanya kazi kubwa katika kuokoa maisha ya Watanzania wakati wa mlipuko wa ugonjwa wa UVIKO - 19.

**123. MHESHIMIWA BONIVENTURA DESTERY  
KISWAGA (MAGU):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itatekeleza ahadi ya kuanzisha Wilaya mpya ya Kisesa Mkoani Mwanza.



**OFISI YA RAIS (UTUMISHI NA UTAWALA BORA):**

**124. MHESHIMIWA ENG. STELLA MARTIN  
MANYANYA (NYASA):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

Je, kwa mwaka 2018 hadi 2021 ni Walemavu wangapi wenye sifa husika wameajiriwa katika nafasi zilizotolewa na Serikali na ni sawa na

asilimia ngapi ya Watu wenye Ulemavu wenye sifa hizo nchini.

**WIZARA YA MAMBO YA NDANI YA NCHI:**

**125. MHESHIMIWA RASHID ABDALLAH SHANGAZI (MLALO):**

Atamuuliza Mheshimiwa Waziri wa Mambo ya Ndani ya Nchi:-

Je, ni lini Serikali italeta Muswada Bungeni ili kuboresha Sheria ya Usalama Barabarani ya

- mwaka 1973 kutokana na Sheria hiyo kupitwa na wakati.

**126. MHESHIMIWA MWANTATU MBARAK KHAMIS (BLW):**

Atamuuliza Mheshimiwa Waziri wa Mambo ya Ndani ya Nchi:-

Je, ni sababu gani iliyopelekea vituo vidogo vya Polisi Kidongo Chekundu, Jang'ombe na Beit El Ras visifunguliwe na kufanya kazi kama ilivyokusudiwa.

**WIZARA YA UJENZI NA UCHUKUZI:**

**127. MHESHIMIWA CAPT. ABBAS ALI MWINYI (FUONI):**


Atamuuliza Mheshimiwa Waziri wa Ujenzi na Uchukuzi:-

Je, Serikali imewekeza kiasi gani cha fedha katika ununuzi wa ndege 11 za ATCL na ni lini uwekezaji huo utarudisha fedha zilizowekezwa.

**128. MHESHIMIWA SANTIEL ERICK KIRUMBA (VITI MAALUM):**

Atamuuliza Mheshimiwa Waziri wa Ujenzi na Uchukuzi:-

Je, ni lini Serikali itaboresha Bandari Kavu ya Isaka.



**WIZARA YA MALIASILI NA UTALII:**

**129. MHESHIMIWA JOSEPH GEORGE KAKUNDA (SIKONGE):**

Atamuuliza Mheshimiwa Waziri wa Maliasili na Utalii:-

Je, ni lini Uwanja wa Ndege wa Ipole pamoja na nyumba ya kupumzikia wageni wanaokuja

kwa ajili ya utalii wa picha na kuangalia Wanyama kwenye WMA ya JUHIWAI, Mbuga za Ipembampazi na Isuvangala utajengwa.

**WIZARA YA KILIMO:**

**130. MHESHIMIWA JOSEPH KIZITO MHAGAMA (MADABA):**

Atamuuliza Mheshimiwa Waziri wa Kilimo:-

Je, ni lini Serikali itapunguza gharama za vibali vya kuanzisha biashara ya kuuza pembejeo za kilimo Vijijini ambapo TFRA, TOSCI na TPRI huchukua takribani Shilingi 600,000/= kabla mfanyabishara hajaingiza mtaji dukani.

**131. MHESHIMIWA GEORGE RANWELL MWENISONGOLE (MBOZI):**

Atamuuliza Mheshimiwa Waziri wa Kilimo:-

Je, ni kwa nini Mfuko wa Pembejeo ambao ulianzishwa kwa lengo la kuwasaidia Wakulima wadogo waliopo Vijijini haupokei Hati za Kimila ambazo ndizo zilizopo Vijijini.

**WIZARA YA MAWASILIANO NA TEKNOLOJIA YA HABARI:**

**132. MHESHIMIWA YAHAYA OMARY MASSARE (MANYONI MAGHARIBI):**

Atamuuliza Mheshimiwa Waziri wa Mawasiliano na Teknolojia ya Habari:-

Je, ni lini Mtambo wa matangazo ya TBC Taifa na TBC FM utafungwa katika Mji wa Itigi ili Wananchi wapate matangazo hayo muhim

**WIZARA YA MADINI:**

**133. MHESHIMIWA JAFARI WAMBURA CHEGE (RORYA):-**

Atamuuliza Mheshimiwa Waziri wa Madini:-

Je, Serikali ina mpango gani juu ya uchimbaji wa Madini ya *Helium* katika Kijiji cha Nyamusi hasa ikizingatiwa kuwa Wananchi wamezuiwa kufanya shughuli zao katika eneo lenye Madini hayo.



#### **IV. HOJA ZA KAMATI:**

##### **MWENYEKITI WA KAMATI YA KUDUMU YA BUNGE YA NISHATI NA MADINI:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Nishati na Madini kuhusu Shughuli za Kamati kwa Mwaka 2021.

##### **MWENYEKITI WA KAMATI YA KUDUMU YA BUNGE YA MIUNDOMBINU:**

Kwamba, Bunge sasa lipokee na kukubali Taarifa ya Kamati ya Kudumu ya Bunge ya Miundombinu kuhusu Shughuli za Kamati kwa Mwaka 2021.

**DODOMA**  
**15 FEBRUARI, 2022**

**N.J. MWIHAMBI, *ndc***  
**KATIBU WA BUNGE**